



AMINUDDIN (tengah) pada majlis penyerahan sumbangan kepada pertubuhan bukan kerajaan bagi misi Kemanusiaan Palu, Sulawesi Tengah, Indonesia di Wisma Negeri, semalam.

Lancar misi kedua

Nur Aqidah Azizi
nur@NSTP.com.my

Seremban

Usaha membantu mangsa gempa bumi dan tsunami di Wilayah Palu, Sulawesi Tengah Indonesia yang dilanda bencana itu Oktober lalu diteruskan kerajaan Negeri Sembilan dengan pelancaran misi bantuan kemanusiaan fasa kedua.

Menteri Besar, Aminuddin Harun berkata, kerajaan negeri komited memberikan bantuan kepada mangsa meskipun tragedi itu sudah dua bulan berlalu.

"Melalui misi bantuan kemanusiaan pertama dihantar ke wilayah itu pada Oktober lalu, kita dapat

■ Usaha bantu mangsa gempa di Palu diteruskan kerajaan negeri

pelbagai maklumat dan gambaran sebenar tentang keadaan penduduk di Palu yang masih terkesan dengan bencana itu.

"Kita akan meneruskan usaha ini selagi diperlukan dan tidak mustahil kita meneruskan dengan misi ketiga nanti," kataanya di majlis penyerahan sumbangan kepada pertubuhan bukan kerajaan bagi misi Kemanusiaan Palu, Sulawesi Tengah, Indonesia di Wisma Negeri, semalam.

Pada majlis itu, Aminuddin menyerahkan sumbangan daripada Pejabat Menteri Besar, Pejabat Exco Pembangunan Belia dan Sukan Negeri serta kutipan

derma oleh Majlis Agama Islam Negeri Sembilan (MAINS) kepada Majlis Perundingan Pertubuhan Islam Malaysia (MAPIM) dan Amal Relief Negeri Sembilan (ARIF).

Turut hadir, Pengurus Jaya Watankuasa Bertindak Pembangunan Belia dan Sukan Negeri Sembilan, Mohamad Taufek Abd Ghani dan Setiausaha Majlis Agama Islam Negeri Sembilan (MAINS) Datuk Kamal Amran Kamaruddin.

Aminuddin berkata, sumbangan keseluruhan berjumlah berjumlah RM72,000 itu diharap dapat meringankan beban penduduk di Wilayah Palu yang masih terjejas akibat ben-

cana gempa bumi dan tsunami.

"Sumbangan ini dibawa ke Palu untuk membina ' hunian sementara' atau lebih dikenali sebagai Huntara di kalangan penduduk Palu. Pembinaan Huntara ini menelan belanja RM8,000 seunit," katanya.

Tabung Misi Kemanusiaan dan Sukarelawan Belia Bencana Alam Palu dilancarkan buat pertama kali di negeri ini pada 10 Oktober.

Dua sukarelawan Belia Negeri Sembilan dan beberapa wakil daripada pertubuhan bukan kerajaan menyertai misi pertama bantuan ini yang berlepas ke Palu pada 22 Oktober lalu.